

*Zar je moguće da je Poslanik (s) koristio riječ koju neki koriste da označe sektu?*

*Da li je poslanik Ibrahim pripadao nekoj sekti? Šta reći za poslanika Nuha ili poslanika Musaa? Da je riječ šija” bila korištena da se označi neka sekta ili raskol, Allah dž.š. je ne bi koristio da njome zove svoje najbliže Poslanike, a niti bi Poslanik Muhammad (s) nazivao njome neke svoje ashabe.*

*Treba naglasiti činjenicu da Poslanik (s) nije nikad želio da se muslimani podijele u grupe. On je još za života tražio od svojih sljedbenika da slijede hazreti Alija kao njegovog zamjenika, i kao njegovog nasljednika i halifu poslije njegove smrti. Nažalost, broj onih koji su poslušali Poslanika (s) u ovome bio je mali, i bili su poznati kao šija”. Bili su podvrgnuti svim vrstama diskriminacije i proganjanja, a njihova patnja je počela odmah nakon Poslanikove smrti. Da su svi muslimani poslušali ono što je Poslanik (s) tražio ne bi postojala ni jedna sekta, mezheb ili škola u islamu. Bio bi samo jedan čisti islam. U jednom hadisu Poslanik (s) kaže:*

*"Uskoro poslije mene, nered i mržnja pojavit će se među vama. Kada se to desi, tražite Alija jer je on u stanju odvojiti istinu od laži."*

□ *Ali Muttaqi al-Hindi, Kanz al-'Ummal, (Multan) vol. 2 p. 612, number 32964*

*Vežano za kur'anski ajet ranije pomenut, neki sunijski alimi prenose od imama Džafera Sadika (a), šestog Imama iz Poslanikove porodice (Ehl el-Bejt), sljedeće:*

*"Mi smo Allahovo uže o kojem Allah dž.š. govori u ajetu: Svi se čvrsto Allahovog užeta držite i nikako se ne razjedinjujte! (Kur'an 3:103)*

□ *al-Tha'labi, Tafsir al-Kabir, u komentaru ajeta 3:103*

□ *Ibn Hajar al-Haythami, al-Sawa'iq al-Muhriqah, (Cairo) dio. 11, sekcija 1, p. 233*

*Tako imamo da, ako Allah ne voli sektaštvo, onda On ne voli one koji su se odvojili od Njegovog užeta” a voli one koji ga se čvrsto drže!*

**Zaključak:**

*Pokazali smo kako je riječ šija” korištena u Kur'anu da se njome označe sljedbenici najvažnijih Allahovih robova, a u Poslanikovim hadisima njome se označavaju sljedbenici imam Alija (a) . Onaj ko slijedi vodu određenog od Allaha ne stvara razdor u vjeri jer se drži čvrstog Allahovog užeta”, i takvim je obećan džennet .*

*Saznaj više o izvornom islamu na veb stranici:*

<http://al-islam.org/faq/>

*Svi se čvrsto Allahovog užeta držite i nikako se ne razjedinjujte!  
(Kur'an 3:103)*

# *Zašto Šija?*

*Riječ šija” koriste muslimani koji slijede Imame iz Poslanikove porodice ( Ehl el-Bejt). Razlog za njeno korištenje nije želja za odvajanjem niti za stvaranjem razdora među muslimanima. Oni je koriste jer se ona nalazi u Kur'anu, Poslanik Muhammed (s) ju je koristio kao i prvi muslimani – mnogo prije nego su riječi kao što su Sunni ili Salafi počele da se koriste.*

## Šija u Kur'anu

Riječ *šija* može značiti *sljedbenik* i *šripadnik* određenoj grupi. Allah dž.š. spominje u Kur'anu da su neki Njegovi pravovjerni robovi bili *šije* Njegovih drugih pravovjernih robova.

I sigurno je Ibrahim bio njegov šija.  
(Kur'an 37:83)

I on [Musa] uđe u grad neopažen od stanovnika njegovih i u njemu zateče dvojicu ljudi kako se tuku, jedan je bio njegov šija a drugi njegov neprijatelj, pa ga zovnu u pomoć njegov šija da mu pomogne protiv njegovog neprijatelja.  
(Qur'an 28:15)

Znači riječ *šija* je originalna riječ koju Allah dž.š. koristi u svojoj Knjizi i kojom naziva kako svoje najvažnije Poslanike tako i njihove sljedbenike.

Ako je neko šija tj. sljedbenik najpravičnijih Božijih robova, onda nema ništa loše biti šija. U drugu ruku, ako je neko sljedbenik tiranina i grješnika onda ga čeka sudbina jednaka njihovoj. Kur'an nam naznačuje da će na Sudnjem danu ljudi dolaziti u grupama, svaka grupa predvođena svojim liderom (imamom). Allah dž.š. kaže:

A na dan kada pozovemo sve ljude s vodom (imamom) njihovim.  
(Kur'an 17:71)

Na Sudnjem danu, sudbina sljedbenika svake grupe ovisit će o sudbini njihovih imama (podrazumijevajući da su ih zaista vjerno slijedili). Allah dž.š. spominje u Kur'anu dvije vrste imama:

A bili smo ih učinili vodama koji su pozivali u ono zbog čega se ide u vatru – a na Sudnjem danu niko im neće pomoći – i propratismo ih prokletstvom na ovom svijetu, a na onom svijetu biće od svakog dobra udaljeni.  
(Kur'an 28:41-42)

Kur'an takodjer obaviještava da postoje Imami određeni od Allaha da budu vode ljudskom rodu:

I izmodu njih Mi smo vode određivali i oni su, odazivajući se zapovijedi Našoj, na pravi put upućivali, jer su strpljivi bili i u dokaze Naše čvrsto vjerovali.  
(Kur'an 32:24)

Zaista, istinski sljedbenici (šije) ovih Imama će na Sudnjem danu istinski uspješni biti.

## Šija u hadisu

U islamskoj historiji riječ *šija* je bila posebno korištena da se njome nazovu sljedbenici imama Alija (a). Izraz *šijeve šije* nije nešto što je kasnije uvedeno! Prvi koji ju je koristio nije bio niko drugi do sam Poslanik islama. Kada je objavljen ajet:

A oni koji vjeruju i čine dobra djela – oni su, zbilja, najbolja stvorenja.  
(Kur'an 98:7)

Poslanik (s) je rekao hazreti Aliju: "Ovo se odnosi na tebe i na tvoje šije."

Poslanik (s) je još rekao: "Kunem se Onim koji raspolaže mojim životom da će ovaj čovjek (hazreti Ali) i njegove šije biti bezbijedni na Sudnjem danu."

- Jalal al-Din al-Suyuti, Tafsir al-Durr al-Manthur, (Cairo) vol. 6, p. 379
- Ibn Jarir al-Tabari, Tafsir Jami' al-Bayan, (Cairo) vol. 33, p. 146
- Ibn Asakir, Ta'rikh Dimashq, vol. 42, p. 333, p. 371
- Ibn Hajar al-Haythami, al-Sawa'iq al-Muhriqah, (Cairo) Ch. 11, dio 1, pp 246-247

Poslanik (s) je rekao: "O Ali! (Na Sudnjem danu) ti i tvoje šije doći ćete pred Allaha zadovoljni i On vama zadovoljan, i pred Njega će doći vaši neprijatelji razjareni i vratova ukočenih.

- Ibn al-'Athir, al-Nihaya fi gharib al-hadith, (Beirut, 1399), vol. 4 p. 106
- al-Tabarani, Mu'jam al-Kabir, vol 1 p 319
- al-Haythami, Majma' al-Zawa'id, vol. 9, number 14168

Poslanik (s) je rekao: "Raduj se, o Ali! Zaista ćete ti i tvoje šije biti u Džennetu. "

- Ahmad Ibn Hanbal, Fadha'il al-Sahaba, (Beirut) vol. 2, p. 655
- Abu Nu'aym al-Isbahani, Hilyatul Awliya, vol. 4, p. 329
- al-Khatib al-Baghdadi, Tarikh Baghdad, (Beirut) vol. 12, p. 289
- al-Tabarani, Mu'jam al-Kabir, vol. 1, p. 319
- al-Haythami, Majma' al-Zawa'id, vol. 10, pp. 21-22
- Ibn 'Asakir, Ta'rikh Dimashq, vol. 42, pp. 331-332
- Ibn Hajar al-Haythami, al-Sawa'iq al-Muhriqah, (Cairo) Ch. 11, section 1, p. 247